



SINDIKAT METALACA FEDERACIJE BOSNE I HERCEGOVINE

Sarajevo, Obala Kulina bana 1

Tel./Fax.: ++ 387 33 20 01 76; Email: info@smfbih.ba

Web: www.smfbih.ba

Broj: 01-106-IX/25

Sarajevo, 02.09.2025. godine

SREDSTVIMA INFORMISANJA

SAOPŠTENJE ZA JAVNOST

Metalski sektor Federacije Bosne i Hercegovine, koji zapošljava desetine hiljada radnika i čini jedan od najvažnijih izvoznih stubova zemlje, nalazi se pred izuzetno ozbiljnim problemom zbog aktuelne blokade teretnog cestovnog saobraćaja.

Skrećemo pažnju da su metalske kompanije u BiH većinom izvezno orijentisane. Posljedice ovih blokada se već osjećaju – došlo je do prekida lanaca snabdijevanja, a više firmi je već najavilo potpuni prekid proizvodnje ukoliko do kraja sedmice ne dođe do normalizacije prometa.

Svaki izgubljeni dan proizvodnje i otpreme znači gubitak tržišta, ugrožavanje radnih mjesta i nanošenje nesagledive štete domaćoj ekonomiji. Ove blokade ne pogađaju samo metalske kompanije i radnike, nego i cjelokupnu ekonomiju i građane BiH, kroz rizik nestašica, rasta cijena i slabljenja konkurentnosti privrede.

Potpuno razumijemo i podržavamo opravdane zahtjeve radnika vozača, koji godinama rade u izuzetno teškim uslovima. Oni su transportni krvotok ove zemlje, njihov doprinos privredi je nemjerljiv i njihov glas mora biti ozbiljno shvaćen.

Zahtijevamo od predstavnika domaćih vlasti čija je ovo odgovornost, da odmah započnu konstruktivne razgovore s predstavnicima prevoznika i vozača te preduzmu konkretne korake s ciljem rješavanja njihovih gorućih problema, uz istovremeno omogućavanje nesmetanog funkcionisanja privrede i života građana.

Ukoliko se ova situacija ne riješi hitno, svi akteri moraju biti svjesni da će šteta biti dugoročna i teško nadoknadiva, a najveću cijenu će platiti radnici i građani.

Dostavljeno:

- Naslovu;
- a/a



PREDSJEDNIK SM FBiH

Almir Salihović

